

# **CONVOCATORIA DE PRAZAS DO PROGRAMA DE COÑECEMENTO DA REALIDADE (PCR) 2018**

**ENXEÑERÍA SEN FRONTEIRAS  
GALICIA (ESF GALICIA)**

## CONVOCATORIA DE PRAZAS DO PROGRAMA DE COÑECEMENTO DA REALIDADE (PCR). ENXEÑERÍA SEN FRONTEIRAS GALICIA ANO 2018

### ÍNDICE.

|   |    |
|---|----|
| 1. RESUMO DE PRAZAS.....                            | 2  |
| 2. QUE É UNHA PERSOA PCR?.....                      | 3  |
| 2.1. PCR Honduras.....                              | 4  |
| 3. COMPROMISOS DE ESF GALICIA.....                  | 5  |
| 4. COMPROMISOS XERAIS DAS PERSOAS SOLICITANTES..... | 6  |
| 5. DATOS ESPECÍFICOS DAS PRAZAS.....                | 7  |
| 5.1. HONDURAS SECTOR AUGA.....                      | 7  |
| 5.1.1. Datos básicos.....                           | 7  |
| 5.1.2. Contexto e antecedentes.....                 | 7  |
| 5.1.3. Descrición de actividades.....               | 9  |
| 5.1.4. Perfil requirido.....                        | 10 |
| 5.2. HONDURAS SECTOR DESENVOLVEMENTO RURAL.....     | 12 |
| 5.2.1. Datos básicos.....                           | 12 |
| 5.2.2. Contexto e antecedentes.....                 | 12 |
| 5.2.3. Descrición de actividades.....               | 14 |
| 5.2.4. Perfil requirido.....                        | 16 |
| 6. SOLICITUDE DE PRAZA.....                         | 18 |

## 1. RESUMO DE PRAZAS

| Tipo de PCR         | En terreo: Honduras   | En terreo: Honduras   |
|---------------------|---|---|
| Nome do grupo       | Desenvolvemento Rural   | Auga  |
| País                | Honduras  | Honduras  |
| Zona                | Golfo de Fonseca  | Golfo de Fonseca  |
| Prazas*             | 1   | 2   |
| Duración            | Incorporación desde o 1 de marzo 2018 ao grupo de voluntariado e preparación previa, estadía en terreo de 2 a 3 meses e 2 meses de voluntariado ao regreso. | Incorporación desde o 1 de marzo 2018 ao grupo de voluntariado e preparación previa, estadía en terreo de 2 a 3 meses e 2 meses de voluntariado ao regreso. |
| Datas da estancia** | De 2 a 3 meses entre xullo-outubro  | De 2 a 3 meses entre xullo-outubro  |

\* A realización das estancias está **condicionada á posibilidade de financiamento** do programa. Habitualmente as prazas financiábanse con bolsas das universidades, fondos de sensibilización dos proxectos internacionais de cooperación para o desenvolvemento ou fondos propios da asociación. Nos últimos anos, o orzamento público de cooperación para o desenvolvemento veuse moi reducido. Por este motivo os grupos de traballo, as persoas seleccionadas e a asociación en xeral terán que innovar as súas fontes de financiamento habituais para este e outros programas.

\*\* A realización da viaxe estará supeditada a que a situación política no país ofrezca unhas condicións mínimas de estabilidade e seguridade.

## 2. QUE É UNHA PERSOA PCR?

ESF GALICIA organiza o Programa de Coñecemento de Realidade co obxectivo final de promover unha cidadanía global crítica e solidaria, potenciando o proceso de aprendizaxe das persoas da nosa sociedade a través do coñecemento de primeira man das desigualdades entre países. Quérese con isto que as persoas participantes adquiran conceptos, procedementos e actitudes como parte do proceso de afondamento nas causas das desigualdades no mundo e que interioricen nas súas vidas e no seu entorno actitudes de cambio social para superar a inxustiza social.

En concreto, trátase de facilitar unha experiencia de sensibilización a pequenos grupos de persoas, que ao ser seleccionadas se converterán en persoas voluntarias e socias de ESF e participarán no día a día da asociación, contribuíndo ao seu crecemento persoal e social. Así, o Programa consiste na formación específica das persoas participantes no coñecemento da realidade concreta dos países e das temáticas nas que traballamos, co fin de fortalecer o seu pensamento crítico e a súa capacidade e criterios de actuación. É primordial a transferencia da súa experiencia ao resto da asociación a través da súa integración na mesma, e á cidadanía en xeral mediante as actividades de difusión que se realicen despois da estancia.

O PCR promovido por ESF é un instrumento de Educación para o Desenvolvemento xa que permite desenvolver nas persoas participantes coñecementos, valores e actitudes baseados no diálogo, o respecto activo e a solidariedade.

As seguintes características do PCR son importantes tanto para ESF como para as persoas participantes:

- Coa participación no PCR perséguese fomentar unha formación integral, é dicir, preténdese o desenvolvemento de capacidades técnicas e metodolóxicas cun enfoque social global.

- O PCR difúndese principalmente na universidade, pero ser parte da comunidade universitaria non é un requisito para participar no programa.

- O PCR supón, por unha banda, unha forma de integración de novas persoas voluntarias e, polo tanto unha vía de apoio á realización de actividades nas diferentes áreas de traballo de ESF. Por outra banda, supón unha parte do ciclo formativo do voluntariado dentro de ESF e das súas actividades, destacando a concepción que ESF ten do voluntariado como axente transformador dunha sociedade inxusta e con desigualdade de oportunidades de desenvolvemento para as persoas e os pobos.

## 2.1. PCR Honduras

A través das prazas destinadas a coñecer o traballo que ESF Galicia e as súas socias locais están a impulsar en Honduras, búscase o achegamento de persoas da nosa sociedade á hondureña, así como a súa inmersión no mundo da cooperación e, en concreto, a súa proximidade á aplicación do concepto de tecnoloxía para o desenvolvemento humano<sup>1</sup>.

A estancia (que pode ser de dous a tres meses) non é unha experiencia illada e puntual, senón que se vincula directamente cos programas de cooperación internacional para o desenvolvemento que se estean levando a cabo en Honduras. Trátase dun proceso de aprendizaxe que ofrece ás persoas participantes a posibilidade de ter un contacto directo coa realidade doutros países mediante a realización dalgunha tarefa concreta no seo dalgún dos programas de cooperación que se estean desenvolvendo en Honduras, dentro dun enfoque de aprendizaxe-servizo<sup>2</sup>.

<sup>1</sup><http://esfgalicia.blogspot.com.es/2014/01/reflexiones-sobre-tecnologia-para-el.html>

<sup>2</sup> <http://esfgalicia.blogspot.com.es/2011/09/de-como-foi-intervencion-no-curso-de.html>

### 3. COMPROMISOS DE ESF GALICIA

- Seguimento e xestión do programa a través da “Comisión PCR”.
- Selección das persoas participantes.
- Organización da formación xeral e específica precisa para o correcto aproveitamento do programa.
- Integración das persoas participantes na vida asociativa.
- Transmisión á persoa participante de información detallada sobre os antecedentes da asociación no eido/zona de traballo.
- Busca de financiamento para os gastos da viaxe e seguro médico que cubra ás persoas participantes durante a súa estancia.
- Xestión e busca de financiamento no seu caso para o aloxamento das persoas participantes durante a estancia en terreo.
- Organización da viaxe en colaboración coas persoas participantes.
- Colaboración para a elaboración, xunto co grupo de voluntariado, socias locais, persoal expatriado de ESF e as propias persoas PCRs, dun listado de tarefas que se estarán a desenvolver en terreo nese momento e nas que é previsible que as persoas PCR fagan acompañamento, así como das actividades específicas que as persoas PCRs levarán a cabo durante a súa estancia.
- Seguimento por parte dos grupos de voluntariado das persoas PCRs e posibles problemas durante a estancia.
- Coordinación coa persoa expatriada de ESF durante a estancia en terreo.
- Dentro das posibilidades de ESF, proposta de temas e acompañamento para a elaboración de traballos académicos, prácticas ou proxectos fin de carreira vinculados á estancia, sendo imprescindible a existencia dunha persoa titora do ámbito académico.
- Dar seguimento e acompañamento ás persoas PCR ao seu regreso, incluíndo a planificación conxunta de actividades de sensibilización en Galicia tras a estancia en terreo.
- Avaliación intermedia e final do proceso xunto coas persoas participantes.

#### 4. COMPROMISOS XERAIS DAS PERSOAS SOLICITANTES

- Participación na formación xeral (qué é un PCR, seguridade, ESF como organización e perfil de cooperación, etc.) e na específica (proxectos e tarefas específicas a desempeñar no voluntariado), que se impartirán **durante a fin de semana do 17 e 18 de marzo 2018**.
- Integración no grupo de voluntariado correspondente ao PCR e na vida asociativa dende o momento da selección (Ver **requisitos mínimos de integración apartados 5.1 e 5.2**).
- Firma con ESF do compromiso de voluntariado tralo momento da selección, no que se detallan os dereitos e deberes durante todo o proceso: preparación e integración previa, estadía en terreo, e compromisos posteriores á estancia en terreo.
- Colaboración activa xunto co grupo de voluntariado, **socias locais, e persoal expatriado de ESF, para a elaboración dun** listado de tarefas que se estarán a desenvolver en terreo nese momento e nas que é previsible que as persoas PCR fagan acompañamento, así como das actividades específicas que as persoas PCR levarán a cabo durante a súa estancia.
- Contribución na busca de financiamento para a súa praza.
- Firma con ESF do compromiso de PCR antes da estancia, no que se detallarán todas as condicións do programa.
- Darse de alta como persoa socia de ESF con carácter previo á realización da viaxe.
- Compromiso de realizar na medida do posible as tarefas propostas durante a estancia.
- Facerse cargo da súa manutención durante a estancia en terreo.
- Elaboración dun **informe final da experiencia a entregar como moi tarde dous meses despois da finalización da estancia PCR** segundo modelo facilitado por ESF.
- Informes periódicos das actividades na súa estancia a través de redes sociais (facebook), blogue de ESF, telegram e correos nas listas.
- Participación na avaliación intermedia e final do programa PCR.
- **Compromiso de permanencia e participación activa como persoa voluntaria na asociación ao menos dous meses en Galicia tras a estancia en terreo**, traballando no grupo vinculado á actividade que desenvolveu durante a súa estancia, e nas actividades de sensibilización e/ou internas propostas relacionadas coa mesma, como charlas en cursos de ESF, nas universidades, entrevistas, etc.
- Participación na Comisión de PCR no ano 2019 de xeito presencial ou a distancia.
- A **prolongación da estancia en terreo** (dentro do propio PCR ata un máximo de tres meses, ou con actividades alleas ao programa) **non debe repercutir no cumprimento dos compromisos anteriores**, especialmente nos vinculantes á realización do informe final e á participación posteriormente como voluntaria na asociación ao menos durante dous meses en Galicia.

## 5. DATOS ESPECÍFICOS DAS PRAZAS

### 5.1. HONDURAS SECTOR AUGA

#### 5.1.1. Datos básicos

|                              |  |                                   |   |
|------------------------------|--|-----------------------------------|---|
| <b>ACTIVIDADE</b>            | Abastecemento e saneamento na comunidades rurais de Honduras |                                   |   |
| <b>PAÍS</b>                  | Honduras   | <b>ZONA</b>                       | Golfo de Fonseca                            |
| <b>SOCIAS LOCAIS</b>         | Mancomunidad de NASMAR e AHJASA                              |                                   |   |
| <b>DURACIÓN TOTAL DO PCR</b> | 1 de marzo ata 2 meses despois do regreso.                   | <b>DURACIÓN ESTADÍA EN TERREO</b> | 2/3 meses<br>Entre Xullo e Outubro de 2018. |
| <b>PRAZAS</b>                | 2 (condicionadas á consecución de financiamento)             |                                   |   |

#### 5.1.2. Contexto e antecedentes

Dende 2008, tres asociacións da Federación Española de Enxeñería Sen Fronteiras (APD, Galicia e Cataluña) uniron esforzos para pór en marcha un programa para a redución da vulnerabilidade da poboación rural en Centroamérica, concretamente en Nicaragua, Honduras e El Salvador. Destináronse algo máis de 7 millóns de euros, achegados pola Axencia Española de Cooperación Internacional para o Desenvolvemento, a Diputación de Valladolid e diversas entidades en Galicia (como a Xunta de Galicia, a Deputación de A Coruña, o Concello de Lugo ou a Universidade de A Coruña), para mellorar a xestión territorial cun enfoque de cunca hidrográfica, promover o acceso aos servizos de auga e saneamento, e en xeral apoiar a gobernanza dos recursos hídricos.

ESF Galicia liderou as actividades deste programa en Honduras, centrándose no abastecemento e saneamento de auga en comunidades rurais. A partir desta experiencia ata a actualidade, continuouse co deseño e implementación de accións destinadas a contribuír ao acceso ao dereito humano á auga e ao desenvolvemento das infraestruturas básicas de abastecemento de auga e saneamento en diferentes comunidades situadas na zona do Golfo de Fonseca, promovendo sistemas tecnoloxicamente apropiados ao entorno e xestionados mediante entes comunitarios.

### **PROXECTOS DE COOPERACIÓN DE ESF NO MARCO DOS CALES SE REALIZARÁN AS ACTIVIDADES DO PCR:**

*Proxecto de fortalecemento de capacidades técnicas para a xestión pública de calidade nos 7 municipios da Mancomunidad NASMAR, Honduras, financiado polo Fondo Galego de Cooperación e Solidariedade*

O proxecto consiste en fortalecer as equipas técnicas municipais dos 7 concellos que forman a Mancomunidad de NASMAR de xeito que ao remate do proxecto poidan identificar, deseñar, formular, executar e xustificar proxectos de abastecemento de auga en comunidades rurais,



integrando enfoques de participación cidadá, enfoque de cunca para a xestión do recurso auga, rendición de contas e calidade na xestión pública.

As compoñentes principais son o fortalecemento de capacidades técnicas municipais para os cálculos hidráulicos precisos para o deseño de tubaxes, compatibilizar a ferramenta para a planificación hídrica baseada en Sistemas de Información Xeográfica (gvSIGFonsagua) cos datos dos Plans de Desenvolvemento Municipal. Con isto contribuírase á integración dos proxectos de abastecemento nos plans anuais municipais e nas previsións de gasto municipal, e a fixación dun procedemento de calidade para a xestión pública da auga, que se institucionalice e quede como capacidade instalada nas municipalidades, independentemente de que se renoven e cambien as equipas técnicas. Preténdese así tamén iniciar os primeiros pasos cara unha xestión pública da auga de calidade con transparencia e rendición de contas.

*Proxecto de mellora das capacidades do municipio de El Triunfo (Honduras) para a xestión pública da auga con transparencia e rendición de contas, financiado polo Concello de Santiago*

Co proxecto preténdese definir un sistema de seguimento das actuacións públicas municipais en materia de auga e saneamento, de xeito que as organizacións da sociedade civil poidan vixiar e supervisar as actuacións municipais en materia de auga e saneamento. Pretende así mesmo realizar os investimentos necesarios para o sistema de bombeo para dar acceso a auga a 5 barrios do núcleo urbano da cabeceira municipal de El Triunfo contribuindo a que as organizacións sociais asuman a responsabilidade de vixianza por parte de organizacións civís na veeduría social e seguimento das execucións públicas.

Esta actuación da continuidade a proxectos anteriores iniciados por Enxeñería Sen Fronteiras e a mancomunidade de municipios del Sur NASMAR, e financiados pola Xunta de Galicia, en El Triunfo, nos que se foi elaborando por fases de execución a planificación de xestión integral do recurso hídrico en comunidades rurais do municipio.

Así mesmo, existe a posibilidade de que sexan financiados novos proxectos durante o ano 2018, nos cales as persoas PCR participarán durante a súa colaboración co grupo de voluntariado en Galicia e a estancia en terreo.

### **Entidades sociais locais coas que se traballa**

**NASMAR**, mancomunidade formada por 7 municipios do Golfo de Fonseca (Amapala, Nacaome, Goascoarán e San Lorenzo do departamento de Valle, Marcovia, Namasigüe e El Triunfo do departamento de Choluteca).

**AHJASA**, Asociación Hondureña de Juntas Administradoras de Sistema de Agua. AHJASA surxe a comezos da década dos 90s, foi fundada por 17 comunidades de ámbito rural. A educación dos usuarios, o desenrolo da capacidade e independencia tanto técnica como económica das xuntas administradoras e o principal obxectivo desta asociación.

### **5.1.3. Descrición de actividades.**

#### **A. Selección de participantes**

Levarase a cabo mediante a selección de currículums e carta de motivación, e posterior entrevista persoal que se realizará na semana do 26 de febreiro a 2 de marzo (Ver apartado 6 de solicitude da praza)

#### **B. Formación Previa**

ESF Galicia organizará un curso de formación para tratar temas xerais e específicos do PCR durante a fin de semana do 17-18 de marzo, que é de obrigada asistencia para as persoas seleccionadas.

#### **C. Integración como voluntaria/o no Grupo de Voluntariado de Proxectos Internacionais de Cooperación Auga.**

As persoas seleccionadas integraranse como voluntarias no grupo de voluntariado da temática Auga de Enxeñería Sen Fronteiras Galicia, tralo proceso de selección. Por elo, asinarán o compromiso de voluntariado con ESF unha vez confirmen a participación como PCR. Entre as actividades que desenvolverán como voluntarias/os, o grupo de voluntariado ofreceralle información e formación específica sobre os proxectos que se estean levando a cabo en terreo, e comezará a esbozarse o programa concreto de actividades a desenvolver durante a estada en Honduras como PCR.

##### **C.1. Funcionamento do Grupo de Voluntariado PICD Auga**

O grupo está formado por voluntarios/as activos que se reúnen de xeito presencial cada semana na sede de A Coruña, ou ben por skype con aquelas persoas que non residen na cidade. Agora mesmo están traballando en formulación e xustificación de proxectos, toma de decisións e melloras internas do grupo, propostas de novas liñas de traballo e novas actividades en terreo e formacións de dereito humano a auga, economía participativa e software libre.

##### **C.1. Requisitos mínimos de participación no Grupo de Voluntariado PICD Auga**

Para determinar se a persoa PCR satisfai o requisito de participación no grupo antes da estancia en terreo, empregaranse os seguintes criterios, a modo orientativo:

- Participado ao menos no 75 % das reunións co grupo de xeito presencial ou ben por skype, e dese 75% ao menos en 2 reunións de xeito presencial na sede de A Coruña.
- Asistido ao curso de formación.
- Participado nas listaxes de correo, sendo especialmente activas naqueles fíos relacionados cos temas PCR e cuestións de terreo.
- Publicado unha entrada no blogue, coa axuda e acompañamento do grupo.

Estes indicadores serven ao grupo para medir o grao de integración da persoa PCR. Deste xeito, se ben dan conta das distintas formas nas que se pode participar no grupo, non é obrigatorio cumprir con todos eles de forma rixida. O importante é que se vexa un interese real por parte da persoa PCR en participar activamente no grupo de voluntariado antes da estancia en terreo.

### **D. Actividades no terreo**

As actividades a desenvolver durante a estancia en terreo serán definidas polo grupo de voluntariado, socias locais, persoal expatriado de ESF e as propias persoas PCR, podendo englobarse nas seguintes:

- Tarefas relacionadas coa posta en marcha e seguimento das distintas liñas do proxecto de abastecemento e saneamento nas comunidades rurais da zona do Golfo de Fonseca que se estean desenvolvendo nese momento, e fortalecemento das capacidades de xestión do recurso hídrico do persoal técnico dos socios locais.
- Colaboración en actividades de educación e sensibilización ambiental asociadas ao mesmo, e contribuír ao fortalecemento das capacidades das socias locais.
- Colaboración en actividades de veeduría social e participación cidadá para a incidencia política.
- Actividades relacionadas co desenvolvemento do seu proxecto fin de carreira ou tese, se procede.
- Elaboración de material audiovisual e divulgativo para actividades de formación, sensibilización ou incidencia.
- Estadía “en comunidades”, compartindo e vivindo con familias de comunidades rurais ou pesqueiras, por varios días.
- Publicacións en redes sociais e blogue de ESF “contando a experiencia”.
- Comunicación co grupo de voluntariado para telo ao tanto das novas que acontecen con mensaxes de voz breves semanais polo grupo de telegram pertinente e a través da listaxe de correos.
- Avaliación intermedia do programa durante a estancia.

### **E. Actividades tras a estancia**

- Elaboración do informe final
- Participación no grupo de voluntariado durante ao menos dous meses
- Planificación en conxunto co grupo de voluntariado de actividades de sensibilización e difusión en Galicia.
- Participación na avaliación final do programa.
- Participación na Comisión PCR no 2019 de xeito presencial ou a distancia.

#### **5.1.4. Perfil requirido:**

- Especial sensibilización e motivación en temas relacionados coa cooperación internacional.
- Capacidade de traballo en equipos multidisciplinares e multiculturais e capacidade de convivencia e de adaptación a realidades diferentes.

- Ofimática e internet a nivel usuario.
- Disponibilidade para a formación previa e incorporación inmediata e de forma activa no grupo de traballo.
- Disponibilidade para a permanencia e participación activa como persoa voluntaria na asociación ao menos dous meses en Galicia tras a estancia en terreo, traballando no grupo de voluntariado e nas actividades de sensibilización e/ou internas propostas.
- Disponibilidade para cumprir os demais compromisos especificados no apartado 4 e requisitos de participación previa establecidos no apartado 5.1.3.

**Importante:** *Estes criterios son esixibles; polo tanto deberán quedar perfectamente explicados e xustificados no CV (os máis obxectivos) e na carta de motivación (os de carácter máis subxectivo).*

### **Valóranse adicionalmente:**

Coñecementos de:

- Hidráulica e hidroloxía, topografía, tratamento de residuos, reciclaxe, impacto e políticas ambientais.
- Sistemas de información xeográfica, bases de datos, software libre.
- Intervención e diagnose social.
- Capacidade de planificación e seguimento dun proxecto, así como competencias de organización e de coordinación. Control do orzamento.
- Formación previa en cooperación para o desenvolvemento.
- Coñecemento da filosofía de ESF e a vinculación á asociación.
- Asociar a estancia á realización dun proxecto fin de carreira ou tese proposta pola persoa voluntaria ou o equipo técnico de proxectos de ESF, e aprobada por este último.
- Coñecementos en ferramentas de comunicación audiovisual.

### **Constatación de cumprimento de obrigas previas:**

Unha vez seleccionada as persoas beneficiarias do programa PCR, e antes da viaxe a Honduras, o grupo de voluntariado de Proxectos Internacionais na área de Auga e a Comisión PCR de ESF, realizará unha valoración do cumprimento das obrigas previas á viaxe, sendo necesario obter o visto bo para poder viaxar.

Se considerará especialmente o cumprimento de:

- Integración no grupo de voluntariado.
- Asimilación da formación previa obrigatoria, especialmente no referente á seguridade e saúde persoal, interculturalidade, e representación de ESF.

- Asimilación da formación específica nos proxectos ou actividades que se desenvolven, e especialmente as relacionadas coas actividades que desenvolverán durante a súa estada.

### MÁIS INFORMACIÓN:

- Enxeñería Sen Fronteiras <http://galicia.isf.es/home/index.php>
- Wiki de ESF Galicia <http://esf.gpul.org/>
- Blogue de ESF Galicia en Honduras: <http://esfhonduras.blogspot.com/>
- AJHASA <http://www.ahjasa.org/>
- Alcaldía de Marcovia: <http://marcoviahonduras.com/>
- Fondo Gallego de Cooperación e Solidariedade <http://fondogalego.org/web/>
- Artigo *Agua y Territorio en Centroamérica*, publicado no ESFformativo (antigo boletín trimestral da Federación Española de Ingeniería Sin Fronteras), número 64:  
<http://www.isf.es/adjuntos/cas/pdf/isformativo64-cast.pdf>

## 5.2. HONDURAS SECTOR DESENVOLVEMENTO RURAL

### 5.2.1. Datos básicos

|                              |   |                                   |   |
|------------------------------|---|-----------------------------------|---|
| <b>ACTIVIDADE</b>            | Promover, con enfoque de xénero, a soberanía alimentaria a través do fortalecemento das bases, da incidencia política e do manexo sustentable dos recursos naturais das comunidades do Golfo de Fonseca |                                   |   |
| <b>PAÍS</b>                  | Honduras  | <b>ZONA</b>                       | Golfo de Fonseca                            |
| <b>SOCIAS LOCAIS</b>         | Comité para la Defensa y Desarrollo de la Flora y la Fauna del Golfo de Fonseca (CODDEFFAGOLF)  |                                   |   |
| <b>DURACIÓN TOTAL DO PCR</b> | 1 de marzo ata 2 meses despois do regreso.  | <b>DURACIÓN ESTADÍA EN TERREO</b> | 2/3 meses<br>Entre Xullo e Outubro de 2018. |
| <b>PRAZAS</b>                | 1 (condicionadas á consecución de financiamento)  |                                   |   |

### 5.2.2. Contexto e antecedentes

ESF Galicia comezou a traballar na zona do Golfo de Fonseca, en Honduras, no 2008, dentro do programa “Redución da vulnerabilidade en áreas empobrecidas, a través do acceso á auga potable, ao saneamento e á xestión sustentable de recursos hídricos e do territorio con enfoque de cunca hidrográfica no Salvador, Honduras e Nicaragua”, centrándose ata o 2010 centrouse no eido da auga potable e o saneamento nese país. Paralelamente,

entre 2007 e 2010 desenvolveu o programa de *“Fortalecemento das capacidades das comunidades da microcunca do Río Sasle para unha xestión sostible dos recursos naturais”* en Nicaragua, co cal se obtiveron interesantes leccións tanto no enfoque de cunca hidrográfica na ordenación territorial como no traballo realizado coas familias campesiñas. No 2010 comézase a traballar no Golfo de Fonseca xunto a CODDEFFAGOLF. Grazas á longa experiencia acadada por esta organización no eido medioambiental, identificouse a necesidade dun proxecto na microcunca do Río Laure orientado a reducir a vulnerabilidade alimentaria, fortalecendo a soberanía alimentaria e promovendo o uso racional dos recursos naturais. Neste senso, no 2011 identificouse xunto a CODDEFFAGOLF a mesma necesidade na microcunca de Quebrada Gallardo e, trala finalización da fase I do proxecto, desenvolvida entre os anos 2011 e 2012, executouse a segunda fase co proxecto *“Fortalecemento da soberanía alimentaria e do uso racional dos recursos naturais en 10 comunidades da microcunca Quebrada Gallardo, municipio de Namasigüe, departamento de Choluteca, Honduras. Fase II”*.

### **PROXECTOS DE COOPERACIÓN DE ESF NO MARCO DOS CALES SE REALIZARÁN AS ACTIVIDADES DO PCR:**

Na actualidade, o grupo de Desenvolvemento Rural de ESF está traballando para poder continuar co fortalecemento da soberanía alimentaria e no uso racional dos recursos naturais no Golfo de Fonseca coa formulación e execución de proxectos que se estenden a outros municipios do Golfo, en colaboración con outras entidades de desenvolvemento e incidindo no reforzo das capacidades de organizacións e grupos locais.

Os tres proxectos que están en proceso de execución nesta liña de traballo son:

- Dende 2014 leva a cabo un proxecto, financiado pola AECID, de catro anos en colaboración con Veterinarios Sin Fronteras e Amigos de la Tierra Convenio 14-CO1-293 VSF-AdT-ESF-Galicia *Fortalecimiento de las capacidades de los y las campesinas organizadas para establecer un sistema de desarrollo rural justo, equitativo y sostenible que garantice el derecho a la alimentación en Honduras.*
- En 2017, comezouse a executar un proxecto financiado por Cooperación Galega da Xunta de Galicia, cunha duración de 21 meses: *Fortalecemento das capacidades de incidencia política e xeración de alternativas produtivas sustentables de organizacións da sociedade civil vinculadas ao sector pesqueiro e agrícola en sete municipios costeiros da Rexión 13 - Golfo de Fonseca, Honduras, con enfoque de soberanía alimentaria e defensa do territorio.*
- En 2018, comezouse a executar o proxecto financiado pola AECID *Fortalecimiento de Organizaciones de Sociedad Civil para la defensa de los DDHH y derecho al medio ambiente en el Golfo de Fonseca, Honduras*
- Así mesmo, existe a posibilidade de que sexan financiados novos proxectos durante o ano 2018, nos cales as persoas PCR participarán durante a súa colaboración co grupo de

voluntariado en Galicia e a estancia en terreo.

Os principais **problemas referidos á soberanía alimentaria e uso racional dos recursos son abordados nos proxectos son:**

- Escasa diversificación e planificación baixo criterios de sustentabilidade e rendibilidade dos sistemas de produción familiar.
- Xestión insostible dos recursos naturais por utilización de prácticas non axeitadas.
- Escasa concienciación ambiental.
- Debilidade institucional das organizacións e os actores locais encargados da xestión de riscos no territorio e do manexo dos recursos naturais das microcuncas.
- Situación de desigualdade entre homes e mulleres en canto ao acceso aos recursos naturais da comunidade.

Os **resultados agardados dos proxectos de cooperación** son, en xeral:

- Fortalecer os sistemas de produción familiar (agrícola e pesqueira).
- Implementar medidas para a conservación dos recursos naturais.
- Fortalecer as capacidades e incidencia dos actores locais na redución de riscos no territorio e xestión dos recursos naturais.
- Sensibilizar e capacitar á poboación sobre a conservación e o acceso equitativo e sostible aos recursos naturais con enfoque de xénero.

Entidades socias locais coas que se traballa

O **Comité para el Desarrollo y Defensa de la Flora y Fauna del Golfo de Fonseca (CODDEFFAGOLF)** nace no ano 1989 e na actualidade goza do recoñecemento internacional despois dunha longa traxectoria no eido da sensibilización e da incidencia política, así como polo traballo realizado con distintos axentes de cooperación. Xunto coa Administración Forestal do Estado- Instituto de Conservación Forestal (ICF) realiza o co-manexo das áreas protexidas do Golfo de Fonseca. Cabe destacar a inclusión nos seus programas do enfoque en Soberanía Alimentaria.

### **5.2.3. Descrición de actividades**

#### **A. Selección de participantes**

Levarase a cabo mediante a selección de currículums e carta de motivación, e posterior entrevista persoal que se realizará na semana do 26 de febreiro a 2 de marzo (Ver apartado 6 de solicitude da praza)

#### **B. Formación Previa**

ESF Galicia organizará un curso de formación para tratar temas xerais e específicos do PCR durante a fin de semana do 17-18 de marzo, que é de obrigada asistencia para as persoas

seleccionadas.

### **C. Integración como voluntaria/o no Grupo de Voluntariado de Proxectos Internacionais de Cooperación Agro.**

As persoas seleccionadas integraranse como voluntarias no grupo de voluntariado da temática Agro e Desenvolvemento Rural de Enxeñería Sen Fronteiras Galicia, tralo proceso de selección. Por elo, asinarán o compromiso de voluntariado con ESF unha vez confirmen a participación como PCR.

#### **C.1. Funcionamento do Grupo de Voluntariado PICD Agro**

O grupo está formado por voluntarios/as activos localizados en diferentes puntos xeográficos, que se reúnen por skype cada quince días e de xeito presencial unha vez ao mes nalgún punto de Galicia acordado polo grupo. Agora mesmo están traballando en formulación e xustificación de proxectos internacionais e accións de educación para o desenvolvemento en Galicia, incluíndo temáticas como soberanía alimentaria, biconstrución e permacultura.

#### **C.1. Requisitos mínimos de participación no Grupo de Voluntariado PICD Agro**

Co gallo de determinar se a persoa seleccionada satisfai o requisito de estar integrada no grupo antes da viaxe, empregaranse os seguintes criterios, a modo orientativo. Así pois, antes de realizar a estada en terreo, a persoa PCR deberá ter:

- Participado no 75% das reunións por skype.
- Participado no 50% das reunións presenciais.
- Asistido ao curso de formación.
- Participado nas listaxes de correo, especialmente ser activas naqueles fíos relacionados cos temas PCR e cuestións de terreo.
- Publicado unha entrada no blogue, coa axuda e acompañamento do grupo.

Estes indicadores serven ao grupo para medir o grao de integración da persoa PCR. Deste xeito, se ben dan conta das distintas formas nas que se pode participar no grupo, non é obrigatorio cumprir con todos eles de forma rixida. O importante é que se vexa un interese real por parte da persoa PCR en participar activamente no grupo de voluntariado antes da estancia en terreo.

### **D. Actividades no terreo**

As actividades a desempeñar estarán relacionadas cos proxectos de cooperación levados a cabo entre ESF e o socio local, CODDEFFAGOLF (*Comité para el Desarrollo y la Defensa de la Flora y Fauna del Golfo de Fonseca*), e que esta última Organización se encarga de desenvolver en terreo.

As actividades a desempeñar concretaranse de forma coordinada entre a/s persoa/s seleccionada/s, a entidade local colaboradora de ESF (CODDEFFAGOLF), o grupo de voluntariado de ESF en temática Agro-Desenvolvemento Rural, e o persoal técnico expatriado de ESF en Honduras. Esta escolla farase en función do perfil e preferencias da persoa seleccionada, das preferencias da socia local e das necesidades dos proxectos ou das actividades de ESF.

Ao abeiro dos proxectos en execución, as **actividades da estada en terreo** poderán ser:

- Participación en tarefas relacionadas cos proxectos anteriormente explicados,



desenvolvidas pola asociación local responsable dos mesmos e entidade socia de ESF.

- Reunións telemáticas e actividades de coordinación co grupo Agro e de Desenvolvemento Rural de Enxeñería Sen Fronteiras Galicia.
- Actividades de fortalecemento da socia local en diferentes áreas do coñecemento, incluíndose aquí posible capacitación a técnicos/as, directivos/os ou socios/as, ou o equipo de voluntariado da organización (segundo o perfil da persoa seleccionada e os requirimentos da Organización).
- Actividades relacionadas, se procede, co desenvolvemento do seu proxecto fin de carreira, máster, tese, etc., unha vez aprobada a proposta por ESF.
- Elaboración de material audiovisual e divulgativo para actividades de formación, sensibilización ou incidencia.
- Estadía “en comunidades”, compartindo e vivindo con familias de comunidades rurais ou pesqueiras, por varios días.
- Publicacións en redes sociais e blogue de ESF “contando a experiencia”.
- Comunicación co grupo de voluntariado para telo ao tanto das novas que acontecen con mensaxes de voz breves semanais polo grupo de telegram pertinente e a través da listaxe de correos.
- Avaliación intermedia do programa durante a estancia.

### **E. Actividades tras a estancia**

Ao retorno da estadía en terreo as persoas seleccionadas:

- Seguirán participando como voluntarios/as do Grupo de Desenvolvemento Rural durante polo menos dous meses dende o seu retorno.
- Darán apoio nos proxectos e farán transmisión ao grupo e ao resto da asociación da súa experiencia PCR.
- Participarán en actividades de sensibilización e Educación para o Desenvolvemento (EpD) para a difusión da experiencia.
- Elaborarán o informe final
- Participarán na avaliación final do programa.
- Participarán na Comisión PCR no 2019 de xeito presencial ou a distancia.

#### **5.2.4. Perfil requirido:**

**Requírese:**

- Especial sensibilización e motivación en temas relacionados coa cooperación internacional e voluntariado.
- Capacidade de traballo en equipo, habilidades comunicativas e empatía.
- Non ter experiencia profesional en Proxectos de Cooperación Internacional para o Desenvolvemento.

- Disponibilidade para a formación previa e incorporación inmediata e de forma activa no grupo de voluntariado de Proxectos Internacionais sobre Desenvolvemento Rural, dende o momento da selección.
- Disponibilidade para a permanencia e participación activa como persoa voluntaria na asociación ao menos dous meses en Galicia tras a estancia en terreo, traballando no grupo de voluntariado e nas actividades de sensibilización e/ou internas propostas.
- Disponibilidade para cumprir os demais compromisos especificados no apartado 4 e requisitos de participación previa establecidos no apartado 5.2.3.

**Importante:** *Estes criterios son esixibles; polo tanto deberán quedar perfectamente explicados e xustificados no CV (os máis obxectivos) e na carta de motivación (os de carácter máis subxectivo).*

### **Constatación de cumprimento de obrigas previas:**

Unha vez seleccionada as persoas beneficiarias do programa PCR, e antes da viaxe a Honduras, o grupo de voluntariado de Proxectos Internacionais na área de Agro e a Comisión PCR de ESF, realizará unha valoración do cumprimento das obrigas previas á viaxe, sendo necesario obter o visto bo para poder viaxar.

Se considerará especialmente o cumprimento de:

- Integración no grupo de voluntariado.
- Asimilación da formación previa obrigatoria, especialmente no referente á seguridade e saúde persoal, interculturalidade, e representación de ESF.
- Asimilación da formación específica nos proxectos ou actividades que se desenvolven, e especialmente as relacionadas coas actividades que desenvolverán durante a súa estadía.

### **MÁIS INFORMACIÓN**

- Blogue de ESF Galicia en Honduras: <http://esfhonduras.blogspot.com>

- Comité para la Defensa de la Flora y Fauna del Golfo de Fonseca: <http://www.coddeffagolf.org>

## 6. SOLICITUDE DE PRAZA

As persoas interesadas deben enviar, en **formato PDF**, un **breve CV** cos datos máis relevantes **para a praza**, xunto cunha **carta de motivación tamén en pdf**, ao correo **info@galicia.isf.es**. Deberanse enviar **tantos correos-e como prazas diferentes ás que se queira optar**, indicando no **asunto o nome da praza correspondente** (PCR-auga, PCR-desenvolvemento rural).

Os criterios esixibles das prazas ofertadas deben quedar perfectamente explicados e xustificados no CV (os máis obxectivos) e na carta de motivación (os de carácter máis subxectivo). Ademais na carta de motivación é importante explicar por que se quere participar no PCR, por que se ten interese na cooperación internacional, e por que o interese de facelo concretamente con ESF. A carta de motivación non debe ser un CV en palabras nin unha defensa da persoa como apta para ocupar a praza. Ademais, deberase explicar, co detalle en que sexa posible:

1) Se existe o compromiso e dispoñibilidade de participar na formación previa prevista para o 17-18 de marzo 2018 e de integrarse na actividades do grupo de voluntariado conforme aos criterios establecidos nos apartados 5.1.3 e 5.2.3.

2) Se existe o compromiso e dispoñibilidade para a participación activa no grupo de voluntariado vinculado ao PCR ao menos dous meses en Galicia tras a estancia en terreo, así como nas actividades de sensibilización vinculadas ao programa propostas.

No CV, no caso de ser persoa voluntaria de ESF, non é preciso acreditar os méritos referentes a actividades en dita asociación. En caso de méritos noutras asociacións/institucións, recoméndase aportar, polo menos, datos de contacto para a súa verificación.

**As solicitudes que non inclúan ambos documentos no formato indicado non entrarán no proceso de selección.**

**A data límite para a presentación de solicitudes é o 18 de febreiro de 2018, ás 23:59 horas**. As solicitudes que sexan recibidas **despois** deste momento **non** entrarán no proceso de selección.

A selección de persoas para a entrevista farase atendendo aos CV e ás cartas de motivación. A cita para a entrevista concertarase por teléfono, as entrevistas realizaranse previsiblemente na semana do 26 de febreiro ao 2 de marzo. As persoas non seleccionadas para a entrevista serán notificadas vía correo-e. Ás persoas entrevistadas se lles comunicará por teléfono o resultado da entrevista.

Se tes algunha dúbida sobre o concepto de PCR, a filosofía de ESF, a convocatoria ou a túa solicitude podes contactar con **info@galicia.isf.es**